



«ԳԵՂԱՐԴ» ԿՐՈՆԱԿԱՆ-ԱԶԳԱՅԻՆ-ԾԽԱԿԱՆ ՊԱՐԲԵՐԱԹԵՐԹԸ

Մայր Աթոռի միաբան և Նիցցայի ու շրջակայքի (Ֆրանսիա) հոգևոր հովիվ տ. Տարոն վրդ. Ծերեմյանը վերջերս վերսկսել է հրատարակել «Գեղարդ» եռամսյա ծխական պարբերաթերթը:

«Գեղարդ»-ը հրատարակվել է 1967 թվականին՝ իբրև ծխական պարբերաթերթ Մարսելի ս. Անտուան եկեղեցու, Մայր Աթոռի երիտասարդ միաբաններ տ. Վազգեն վրդ. Բեշիշյանի և տ. Տարոն վրդ. Ծերեմյանի կողմից:

Երկրորդ անգամ պարբերաթերթը (թիվ 1—դեկտեմբեր 1973—փետրվար 1974) քաջվում է Վեհափառ Հայրապետի ս. Ծննդյան պատգամով և պարբերաթերթի հրատարակության մասին խմբագրականով: Նման պարբերաթերթի հրատարակումը արդարև «կարևոր է, անհրաժեշտ և հրամայական» ֆրանսիական հյուրընկալ հողի վրա հասակ առնող հայ մոր սերնդին բերելու համար ձայնը մեր եկեղեցու, քաղցրությունը մեր ազգային-եկեղեցական սրբությունների, պատգամը հայոց պատմության և Մայր Աթոռի հովանու ներքո հայ մնալու ու հայ ապրելու ազգային արժանապատվությունն ու հպարտությունը:

Պարբերաթերթն ունի հաղորդագրությունների, ազգային-եկեղեցական և էկումենիկ հարաբերությունների լուրերի և գրական բաժիններ՝ առնչված Նիցցայի հայ գաղութին:

Գրական բաժնում տպագրված է Ժազ Հակոբյանի «Հայր, հայերեն սորվեցոր» քառատուն բանաստեղծությունը, որը հայ-

րենասիրական ջերմ շնչով գրված մի բանաստեղծություն է.

«...Տղուդ բերրի մտքին մեջ, հայր, անհաշիվ դուն ցանե
Հայ բառերու լույս հունտերը ապագայի
իբրև ծառ,
Որուն շուքին կարենա՜ս փակել աչքերդ
հեշտաբար»:

Նիցցայում և շրջակայքում այսօր ապրում են 780 ընտանիքներ: Համայնքը գնալով աճում ու բազմանում է: Համայնքի ազգային-եկեղեցական մարմինների և ծնողների գլխավոր մտահոգությունն է «մեր ժողովուրդի այսօրվան երիտասարդ ու պատանի սերունդին ազգային փրկության խնդիրը, ...ի շինություն և ի պայծառություն մեր դարավոր Մոր՝ Հայաստանայց սուրբ եկեղեցվո և ի փառս մեր բազմաչափ հարազատ ժողովուրդին»:

Այս ազնիվ, եկեղեցանվեր ու ազգային գործունեության ճանապարհի վրա գաղութի միացյալ ու համատեղ ջանքերով է՛լ ավելի հաջողության հասնելու համար վերջերս Նիցցայում տեղի են ունեցել Կրոնական ընկերակցության հոգաբարձության և թաղական խորհրդի մեր ընտրություններ՝ ըստ հետևյալ կազմի.

Կրոնական ընկերակցություն- հոգաբարձություն

Մուշեղ Ծիերճյան՝ պատվո նախագահ.
Հիուգաս Փափազյան՝ նախագահ (Գանի ներկայացուցիչ).

Թորգոմ Ղարիպյան՝ փոխ-նախագահի (Մոնակո-Մանթո)։

Հարություն Փիլիմյան՝ ատենադպիր.
Տիգրան Տեմիրյան՝ փոխ-ատենադպիր.
Հարություն Հաթեմյան՝ գլխավոր գանձապահ.

Սուրեն Հաննեսյան, խորհրդատու.
Նուրհան Թազվորյան՝ խորհրդատու։

Թաղականություն

Մարկոս Կյուտենյան՝ ատենապետ.
Հովհաննես Տոնիկյան՝ ատենադպիր.
Միշել Փափազյան՝ գանձապահ.
Երամ Մարտիրոսյան.
Հարություն Տոմպուլյան։

1974 թվականի հունվարին «Նիսահայ տիկնանց միության հոգատարության ձեռքով» կատարվել է մեծ վերաբացումը տե-

լի «հայ միօրյա դպրոցի»։ Դպրոցը գործում է չորեքշաբթի օրերին։ Դպրոցում հայոց լեզու է դասավանդում հոգևոր հովիվ տ. Տարոն վրդ. Մերենյանը։

Պարբերաթերթի վերջում տրված է 1973 թվականի դեկտեմբերի 15-ից մինչև 1974 թվականի մարտի 31-ի եկեղեցական տոնական օրերի օրացույցը։

«Գեղարդ»-ն ունի մեծ ֆրանսերեն մի բաժին՝ ֆրանսիական հայ մոր սերնդի համար՝ նպատակ ունենալով նրանց ծանոթացնել մեր ազգային սրբությունները, մեր ազգը։

«Էջմիածին» ամսագրի խմբագրությունը ջերմորեն ողջունում է «Գեղարդ»-ի վերահրատարակությունը՝ մաղթելով հրատարակիչ հոգևոր հովիվին հաջողություն և հարատևություն իր ազգօգուտ, եկեղեցական ծառայության ճանապարհի վրա։

